

Vår 2018: Emnerapport NOFI101 – Norrønt språk

Emneansvarleg: Jens Eike Schnall

Emne

Emnet gjev ei elementær innføring i norrønt språk gjennom grammatikkundervisning og lesing av normaliserte norrøne prosatekstar.

Kurset består ifølgje emneplanen av førelesingar (4 timar i veka) og kollokvium (2 timer i veka) i om lag 12 veker. Obligatoria: Studentane må møta opp minst 75 % av undervisninga, og dei må halda ein kort presentasjon (10-15 min.) av eit fagleg tema på kurset.

Kurset gjekk i 13 veker. Det hadde meldt seg 12 studentar til emnet (8 studentar ved UiB, 4 internasjonale). 7 oppfylte dei obligatoriske krava og møtte til eksamen. Kurset gjekk som planlagt mtp. førelesingane, men kurset har ikkje fått kollokvieleiar. Enkelte gangar bleiv undervisninga skove pga. terminkollisjonar (forsningsleiar/seminar). Kurset gjekk mest på norsk, engelsk bleiv brukt òg.

Undervisning

Det bleiv jobba med pensumlitteraturen (30 s. norrøn tekst + grammatikk), kurset gjennomgjekk Odd Einar Haugen si *Grunnbok i norrønt språk*. For å støtta og førebu sjølvstendige omsetjing og akademiske skriving fekk studentane tilbod om litt opplæring i å bruka hjelpemidlar så som handbøker, leksika, nettressursar etc., og dei tok gjerne imot dette. Dei bleiv kjende med nokre fagspesifikke ressursar på UB. Som ikkje-obligatorisk aktivitet bleiv studentane m.a. oppmoda om å levera to korte tekstar (½ s.) om pensumtekstar for å øva akademisk skriving. Dei fekk tilbakemelding på desse tekstane individuelt, viktige aspekt bleiv tatt opp i undervisninga.

Det vart organisert eit besøk på Spesialsamlingane på torsdag, 15. mars for å sjå på handskrift(fragment); målet var å auka bevisstheita om primærkjeldene og by på positive studieopplevingar.

I veke 15 hadde ikkje studentane vanleg undervisning, men var invitert til å delta på *The 12th International Postgraduate Symposium in Old Norse Studies* (9.-11. april i Bergen) og på byekskursjonen 12. april med våre internasjonale gjester (besøk av bl.a. Håkonshallen, Rosenkrantzårnet, Mariakirken, Rådstua og Bergenhus Festningsmuseum). Det var ikkje obligatorisk for studentane å delta på heile konferansen, men dei skulle i det minste vera med på enkelte føredrag for å verta gjort kjende med formatet konferanse.

Tekniske rammevilkår

Undervisninga gjekk på HF-bygget, rom 216 og Sydneshaugen skule, rom 130. Det vart brukt mest dokumentkamera og tavle, i tillegg PowerPoint. Det hadde vore ein fordel med fast installert dokumentkamera.

Eksamen

Skriftleg skuleeksamen på seks timar.

Strykprosent og fråfall

Strykprosenten er 0 %.

Fråfallsprosenten er 41,7 % (5 utav 12 påmeldte - deltok få gangar eller aldri).

Sluttkarakterane er fordelt slik:


A: 3
B: 2
C: 2
D: 0
E: 0

Studieinformasjon

Informasjon på orienteringsmøte og UiB sine nettsider.

Studentevaluering:

6 studentar deltok i evalueringa; spørjeskjemaet bestod av 10 spørsmål.



Forbetring

Kurset bør ha kollokvium med kollokvieleiar.

Oppsummering

Studentane verka veldig fornøgd og har prestert veldig bra.